

Luganda - Obubi Okulowooza Byawandiilubwa - Bad Mind
Scriptures

Olibereberye 26:35 ne banakuwaza Isaaka ne Lebbeeka emmeeme zaabwe.

Ekyamateeka 28:65 Era mu mawanga ago toliraba kwesiima kwonna, so n'ekigere kyo tekiibengako we kirinnya okuwummula: naye Mukama anaakuwanga omutima ogukankana, n'amaaso agaziba, n'emmeeme ekoozimba,

Luusi 1:18 Awo bwe yalaba ng'amaliridde okugenda naye, n'aleka okwogera naye.

2 Samwiri 17:8 Era nate Kusaayi n'ayogera nti Omanyi kitaawo n'abasajja be nga basajja ba maanyi, era nga baliko obusungu mu myoyo gyabwe, ng'eddubu enyagiddwako abaana baayo ku ttale: era kitaawo musajja mulwanyi, so talisula na bantu.

Engero 21:27 Ssaddaaka ey'ababi ya muzizo: Bw'agireeta n'emmeeme embi, tesinga nnyo kuba ya muzizo?

Engero 29:11 Omusirusiru ayatula obusungu bwe bwonna: Naye omuntu ow'amagezi abuziyiza n'abukkakkanya.

Ezekyeri 23:17,22,28 Abababulooni ne bajja gy'ali mu kitanda eky'okwagala, ne bamwonoona n'obwenzi bwabwe, ye n'agwagwazibwa nabo, omwoyo gwe ne gubatamwa. 22 Kale, ggwe Okoliba, bw'ati bw'ayogera Mukama Katonda nti Laba, ndigolokosa ku ggwe baganzi bo omwoyo gwo be gutamiddwa, ne mbaleeta okukulumba enjuyi zonna: 28 Kubanga bw'ati bw'ayogera Mukama Katonda nti Laba, ndikuwaayo mu mukono gw'abo b'okyawa, mu mukono gw'abo omwoyo gwo be gutamiddwa:

Ezekyeri 36:5 Mukama Katonda kyava ayogera bw'ati nti Mazima njogeredde mu muliro ogw'obuggyga bwange eri amawanga agafisseewo n'eri Edomu yonna abeeteekeddewo ensi yange okugirya, omutina gwabwe gwonna nga gusanyuse, emmeeme yaabwe ng'eriko ekyejo, okugisuula okuba omuyiggo:

Ezekyeri 38:10 Bw'ati bw'ayogera Mukama Katonda nti Olulituuka ku unaku olwo ebigambo birijja mu mwoyo gwo, era olisala olukwe olubi:

**Danyeri 5:20 Naye omutima gwe bwe gwegulumiza, n'omwoyo
gwe ne gukakanyala bw'atyo n'okukola n'akola eby'amalala,
n'alyoka agobebwa ku ntebe ye ey'obwakabaka, ne
bamuggyako ekitiibwa kye:**

**Lukka 12:29 Nammwe temunoonyanga kye munaalya oba kye
munaanywa, so temubanga na myoyo egibuusabuusa.**

**Ebikolwa 12:20 N'asunguwalira nnyo ab'e Ttuulo n'ab'e Sidoni: ne
bajja gy'ali n'omwoyo gumu; bwe baakwanagana ne Bulasito
omukulu w'omu nnyumba ya kabaka, ne basaba okubawa
emirembe, kubanga ensi yaabwe eriisibwa bya mu nsi ya
kabaka.**

**Ebikolwa 14:2 Naye Abayudaaya abataagonda ne baweerera
ab'amawanga ne bafuula emmeeme zaabwe okuba embi eri
ab'oluganda.**

**Abaruumi 1:28 Era nga bwe batakkiriza kubeera ne Katonda mu
magezi gaabwe, Katonda yabawaayo eri omwoyo
ogutakkirizibwa, okukolanga ebitasaana;**

**Abaruumi 8:6,7 Kubaaga okulowooza kw'omubiri kwe kufa; naye
okulowooza kw'omwoyo bwe bulamu n'emirembe: 7 kubanga
okulowooza kw'omubiri bwe bulabe eri Katonda;
kubangatekufugibwa mateeka ga Katonda, kubanga
n'okuyinza tegakuyinza:**

**Abaruumi 11:20 Weewaawo; gaawogolwa Iwa butakkiriza, naawe
onywedde Iwa kukkiriza. Teweegulumizanga, naye tyanga:**

**2 Abakkolinso 10:5 nga tumanya empaka na buli kintu
ekigulumivu ekikulumbazibwa okulwana n'okutegeera kwa
Katonda, era nga tujeemula buli kirowoozo okuwulira Kristo;**

**2 Abakkolinso 11:3 Naye ntidde, ng'omusota bwe gwalimbalimba
Kaawa mu bukuusa bwagwo, mpozzi ebirowoozo byammwe
okwonoonebwanga mu kulaba wamu ne mu bulongoofu ebiri
eri Kristo.**

**Abaefeeso 2:3 era naffe fenna be twatambulirangamu edda mu
kwegomba kw'omubiri gwaffe, nga tukolanga omubiri
n'ebirowoozo bye byagala, ne tubeeranga olw'obuzaaliranwa
abaana b'obusungu, nga n'abalala:**

**Abaefeeso 4:17 Kyenva njogera kino ne ntegeeza mu Mukama
waffe, mmwe mulemenga okutambula nate, era
ng'ab'amawanga bwe batambula mu birowoozo byabwe**

ebitaliimu,

Abakkolosaayi 1:21 Nammwe, bwe mwali edda bannaggwanga era abalabe mu kulowooza kwammwe mu bikolwa ebibi, naye kaakano yabatabaganyisa

Abakkolosaayi 2:18 Omuntu yenaa tabanyagangako mpeera yammwe mu kwewombeeka kw'ayagala yekka n'okusinzanga bamalayika, ng'anywerera mu ebyo bye yalaba, nga yeegulumiririza bwereere mu mage zi ag'omubiri gwe,

1 Abasessaloniika 5:14 Era tubabuulirira, ab'oluganda, munenyenga abatatambula bulungi, mugumyeaga abalina omwoyo omunafu, muyambenga abatalina maanyi, mu gumiikirizenga eri bonna.

2 Abasessaloniika 2:2 obutasagaasagana mangu mu magezi gammwe, newakubadde okveralikirira newakubadde olw'omwoyo, newakubadde olw'ebbaluwa efaanana ng'evudde gye tuli, nti olunaku Iwa Mukama waffe lutuuse;

1 Timoseewo 6:5 okukaayana kw'abantu abayonooneka amagezi, abaggibwako amazima, nga balowooza ng'okutya Katonda kwe kufuna amagoba.

2 Timoseewo 3:8 Era nga Yane ne Yambere bwe baaziyiza Musa, ne bano bwe batyo baziyiza amazima; bayonooneka amagezi gaabwe, abatasiimibwa mu kukkiriza.

Tito 1:15 Eri abalongoofu byonna birongoofu: naye abasiigibwa obugwaga n'abatakkiriza eri abo tewali kirongoofu; naye amagezi gaabwe era n'omwoyo byasiigibwa obugwagwa.

Abaebbulaniya 12:3 Kubanga mumulowooze oyo eyagumiikiriza empaka embi ezenkana awo ez'abakola ebibi ku bo bennyini, mulemenga okukoowa, nga muddirira mu mmeeme zammwe.

Yakobo 1:8 omuntu ow'emyoyo ebiri, atanywera mu makubo ge gonna.